



Inatsisartunut ilaasortaq Finn Karlsen, Siumut  
/ Maani

**Umiatsiaaqqanut tapiisarneq pillugu § 37 naapertorlugu apeqqummut nr. 247-2012, akissuteqarneq.**

01. november 2012  
Sagsnr. 2012-075842  
Dok. Nr. 1055060

Inatsisartut Suleriaasianni § 37 naapertorlugu umiatsiaaqqanut tapiisarneq pillugu Naalakkersuisunut apeqquteqarputit. Apeqqut uannit akineqartussanngorlugu inner-suussutigineqarpoq.

Postboks 269  
3900 Nuuk  
Tlf. (+299) 34 50 00  
Fax (+299) 34 63 55  
E-mail: apnn@nanoq.gl  
www.nanoq.gl

**Naalakkersuisunut apeqqut:**

- 1. Ukioq 2012-imut umiatsiaaqqanut tapiissutit aningaasaliissutit umiatsiaaqqanut qassinut naammappat?**

**Akissut:**

Aningaasanut Inatsimmi 2012-imi takuneqarsinnaavoq, aningaasanik tamarmiusunik atuineq 2010-mi agguataarneqartoq imaallilugu; aalisarnermut inuussutissarsiteqartunut 30% missaat, umiatsiaaqqanut 35%-it missaat, nunalerinermullu inuussutissarsiteqartunut 35%-it missaat. Aamma inuussutissarsitit akornanni agguataarineq taanna ungasinnerusoq isigalugu atuinnaarsaa anguniarneqartoq, kisianni ukiuni ataasiakkaani inuussutissarsitit akornanni agguataarineq allangorartarsinnaasoq. 2012-imi umiatsiaaqqanut tapissanut tunngatillugu Aalisarnermik, Piniarnermik Nunalerinermillu Naalakkersuisoqarfimmit (kingorna Naalakkersuisoqarfik) naatsorsorneqarsimavoq tapiissutissat umiatsiaaqqanut tallimanut naammassasut. Imaappoq umiatsiaaqqat akii assigiinngisitaqaat, Naalakkersuisoqarfiullu ukiup sisamanngorlugu aggornerani sisamararterummi kingullermi aatsaat takusinnaasarpaa ukiumi tassani umiatsiaaqqanik tapiisoqaqqissinnaanersoq.

**Naalakkersuisunut apeqqut:**

- 2. Ukioq manna tikillugu umiatsiaaqqat qassit aningaasaliiffigineqarpat?**

**Akissut:**

Ulloq manna tikillugu umiatsiaaqqanut tallimanut tapiisoqarsimavoq.

**Naalakkersuisunut apeqqut:**

- 3. 2013-imut aningaasaliissutissat siunnersuutit umiatsiaaqqanut qassinut naammassappat?**

**Akissut:**

Apeqqummut 1-imut akissummi takuneqarsinnaasutut siuningaani oqaatigineqarsinnaanngilaq ukiumi aalajangersimasumi umiatsiaaqqat qassit taperneqarsinnaanersut, tassami umiatsiaaqqat akii sammisamilu politikkikkut kissaatigi-

neqartut apequtaalluinnartarmata. Naatsorsuutigineqarpoq ukiumi uani umiatsi-  
aaqqanut tapiissutigineqarsimasut amerlaqatai aningaasaliissutigineqarumaartut.

Suliassaqarfinnut ataasiakkaanut missingersuutitut ilanngussami 51.07.40-mi allassi-  
masoq ima paasineqassaaq Aningaasanut Inatsimmi 2012-imi allassimammat, ukiumut  
missingersuusiorfiusumut 2013-imut 9,4 mio.kr.-inik aningaasaliisoqarniartoq. Tassa  
taakkuupput 9,4 mio. kr.-it 3,6 mio. kr.-inik ikilineqarnissaannik kissaateqarfiusimasut,  
taamaalilluni AIS 2013-mi aningaasaliissutit 5,835 mio. kr.-iussallutik.

Inussiarnersumik inuulluaqqusillunga  
Med venlig hilsen



Ane Hansen